

A to vita

Ai pesu lu ditu di core è di memoria
U to solu partitu a to prima vittoria

Vint'anni à lu destinu un pezzu ch'è tù vochi
A circà lu caminu erete belli pochi

Sò vint'anni di vita chì venenu à pichjà
È cum'è una ferita chì ti face marchjà
Hè Corsa la to vita di lege preferita
Campà
Campà

Ai lasciatu corre à spessu li to affari
Risparmiatu l'amore ancu à i to più cari
Vinti anni cum'è un focu accesu in le to vene
Pè un pezzu di locu chì sì cerca un avvene

Sò vint'nni di vita chì venenu à pichjà
È cum'è una ferita chì ti face marchjà
Hè Corsa la to vita di lege preferita
Campà
Campà

T'anu chjosu le porte messu nantu à una lista
Eppo t'anu ancu trovu l'anima terrorista
Vinti anni ch'è tù batti, un paese à lu core
È nantu à i ritratti, e ricunnosci l'ore

Sò vint'anni di vita è tandu cum'è avà
Ci hè sempre una ferita chì ti face marchjà
Hè Corsa la to vita di lege preferita
Campà
Campà...